

ne credatur vera dicentibus. Quod nec minus habet in operum & ostensione virtutum, non ejus negligentiae vel culpæ debetis id ipsum adscribere, sed vitio & malivolentiæ eorum, qui debuerant ejus onera supportare tum vestro amore tum religionis honore. Sed quid dicit Apostolus? Non omnium est fides. Fidelis autem Deus, qui non patitur suos tentari supra id quod possunt. Et hæc quidem, quæ loquimur, a viris religionis accepimus, qui condolent super contritionem Joseph. Unum est igitur, carissime Pater, quod & rogamus, quod & supplicamus, ut honori ordinis vestri providentes malos tollatis de medio, per quos domus defamatur, per quos ut audivimus, domus substantia deperit, & confunditur ordo. Novimus, Pater carissime, si tamen, (quod loquimur præsumptionis notæ non velitis adscribere) quod quædam personæ, quæ ordinis vel Ecclesiæ vestræ columnæ videntur existere, talem & tantam prenominati viri personam, immo cum ipso totam domum suam sicut & nos nonnunquam ab ipsis accepimus persequi & corrodere dente canino non desinant, quæ etiam, si qua in eis inesset infirmitas, ad publicum certe proferre non debuissent, maxime cum unius membri læsio totum corpus respiciat. At vero, si quod absit, vestræ discretionis examen animositatem contradictorum atque rebellium in eadem domo non reprimat, Dominum Archiepiscopum, cujus est frequens & sollicita circa domos religiosas industria, noveritis manus scelerum ultrices apponere & mediante judicio prædictæ domus enormitates sollicitudine paterna corrigere. Væ igitur eis per quos scandalum venit. Qui autem sunt illi? sine nostri sermonis excursu plenius a commeante discetis.

92.

1182 — 1183. *)

Abboten WILHELMS Bref till Prior LAURENTIUS i Kungelf.

K. k. 6: 55. n:o 39.

Ad Priorem de Cunungelle.

Dilectis in Christo Laurentio Priori, & Enrico cæterisque in Coninguhelle Canonicam vitam professis frater Willelmus Sancti Thomæ de Paraclyto minister indignus sic currere ad bravium vocationis supernæ, ut comprehendant. Nostis, carissimi, (scientibus enim loquimur) quod animi, qui veraciter amoris legibus astringuntur, nullo maris discrimine, nullo terrarum spatio discutuntur. Nec diffitemur, immo verius astruimus, quod sicut ignis olei perfusione validius inardescit, sic amor, si subtrahitur nonnunquam præsentia corporalis, ne mutuis foveatur alloquiis, scriptis tamen recentioribus incalescit. Inde est, quod absentes corpore spiritu præsentis præsentia vobis offerimus, ne vel apud vos concepta dilectio consenescat, vel occasione distantium corporum vis amoris fortasse languescat. Nuper-

*) Dessa årtal uppgifvas af Langebek och Bartholin.

rime vobis conscripsimus statum vestrum certius cupientes agnoscere, quam aut si fortuna secundior favore divinitatis arrideat, gratulamur: sin rebus vestris tristior, opus invideat, damni communis infortunium deploramus. Est enim rationi congruum, ut quod commune datur, communiter sit ferendum. Cæterum ad vestram notitiam volumus pervenire, nos ad partes vestras navem nostram cum brasio in proximo velle dirigere, ut ex hoc fructum debitum percipere valeamus. Verumtamen super hoc volumus vestræ fraternitatis habere consultum, si videlicet nos Regum vestrorum vel aliorum vestrorum timere congressum oporteat. Sit igitur industriæ vestræ, nobis vel voce vel scripto præfigere partem tutiorem, ne nos expensam amittere contingat & laborem. Quod totum per latorem præsentium volumus, rogamus impleri.

93.

1182, d. 21 Dec.

Velletri.

Påfv. Lucrus III:s stadfästelse på Förbudet för Kyrkans Prelater att taga någon tionde af den jord, som Cistercienser-Ordens medlemmar med egna händer eller på sin kostnad bruka.

A. 1. d. 3. *).

LUCIUS Episcopus seruus seruorum dej - venerabilibus fratribus - Eduensi & lingonensi Episcopis & dilectis filiis - abbatibus - prioribus - & aliis ecclesiarum prelatiis meorum Episcopatus constitutis - Salutem & apostolicam benedictionem - audiuius et audientes mirati sumus - quod cum fratribus omnibus - Cisterciensis ordinis - a patribus & predecessibus nostris concessum sit & a nobis ipsis postmodum confirmatum - vt de laboribus quos propriis manibus - aut sumptibus excolunt - neminij decimas soluere teneantur - Quidam ab eis nichilominus contra indulta sedis apostolice - decimas exigere & extorquere presumunt - & sinistra interpretatione apostolicorum priuilegiorum capitula peruertentes - asserunt de noualibus debere intelligi - vbi de laboribus est inscriptum - Ceterum manifestum est omnibus qui recte sapiunt peruersam esse interpretationem huiusmodi & intellectui sano contrariam - cum iuxta capitulum illud a prestacione decimarum tam de terris quas deduxerunt - uel deducunt ad cultum - quam eciam de terris cultis - quas propriis manibus - vel sumptibus excolunt - sint penitus absoluti - Nam si de noualibus tantum Romana ecclesia intelligi uoluisset - vbi ponimus de laboribus - de noualibus ponemus - sicut in priuilegiis quorundam apponitur aliorum - vnde quoniam ad commune detrimentum ecclesie non est dubium redundare - si contra sedis apostolice statuta impune se posse quis credat - que optinere debent perpetuam

*) Utur en af Ärke-Bisk. YSARNUS i Lund, d. 19 Jan. 1303, bevitnad afskrift, som ånyo blifvit af Abboten JOHANNES i Nydala vidimerad uti ett odateradt bref, A. 1. d. 4. till Abboten P. i Saba.